

月沙集

一

三槎酬唱錄  
戊戌朝天錄上

廿二

^ 16  
2345  
1



和  
號 2345  
卷 1-22

月沙先生集序



今之言詩者輒以漢魏三唐為云云  
不知一代之詩一人有一人  
之詩不相肖也意各寫其真情各標  
其勝韻各領其奇法各窮其變非志  
超古今學邁往聖者不能吐育中之  
錦繡發玄奧之精華頃讀李君號月

羣若綴之華重其新既槁之葉復其  
潤生意洋然神理煥發卓異曹劉駕  
軼李杜而上之陵漢魏下之逾三唐  
者也余仰嘆之李君真人傑者卒窈  
意君之為君不啻詩之為詩也蓋君  
再柄文衡六典禮曹父祖子孫青雲

繩武相接揚芳且也君之壽臻南極  
福並東華儼稱千載一時之盛名  
譽重於鄉邦聲實隆於中國  
勤勞王事盡節輸忠旋乾轉坤  
奠社稷于靈長之慶調元贊化撫  
黎庶于於變之天立功立德名垂  
不朽建勳建業奕世流芳吁李

君真詩中之白眉者哉余再玩之不覺心悅神怡勉爾續貂敢以一言為序

皇明 賜進士第奉政大夫左春坊

左諭德兼翰林院脩撰汪輝撰

予以今 皇帝之年嚙命朝鮮未旬日復以他命行獨館伴李君周旋差久一日月沙手詩一帙屬予序之余既卒業作而嘆曰美哉彬乎我國家之文治於斯為盛矣昔人有言聲詩汗隆瀚乎世運豈不然哉詩三百篇非聖臣名佐之

月波集序  
三  
筆即田畷紅女之詞大以昭其功  
德微以寫夫性情初未嘗抽繪章  
句眩摹繩墨思欲爭千秋於藝  
苑也然而質契神明体符造化後  
之才人詞客鏤心刻腎曾不得窺其  
堂奧焉揆厥所由時則大和元氣益  
溢在三代宇宙間故也惟我國家號

稱極治文德之矣於今二百餘年  
沕瀟曼羨郁々乎煥哉直與唐  
虞三代比烈矣風美所扇人文鬱流  
雲蒸霞變說者謂詩道極衰於宋  
元而大備於昭代非虛語也東國沐  
浴文化比于時夏元氣之所鼓盪  
故其學士大夫率能振和平之響

以鳴一代之休而李君以家學淵  
源素稱此中名宿其大業彬々見  
推中朝宗匠不々宜乎隨遇臻變  
獨造真境汪先生斯為不佞矣且  
夫詩道豈易言哉肯情直舉多  
任源移則氣格不振法律嚴持好  
作矜莊則風趣頓傷是以兩家各以

所長交相為譏卒々不相為用何  
人鮮備善々元氣既漓天實生才  
有至有不至也宗自然之說者哆  
口闕々雕鳩出於何典得母受人之  
形復求人道於空桑乎然衣冠士  
本而即具然命以為人之誠有所不  
可何則以其君形者不存焉耳此則

倣古之過也原其所指宗以究其  
所踵受兩家疵累斯可得而論  
也夫惟有溫柔敦厚之旨而無  
卑靡纖促之習雜矣哉詩三百  
篇往々可歌可詠所以為盛世之  
元音也若李君者庶幾近之矣  
詩曰鳳凰鳴矣于彼高岡言瑞應

也鳳凰鏘々之鳴中律中呂誰為  
之感于其氣然身元氣所召有  
物來相聲一歌之費不求工而自  
工所謂作者不自知其所至而工焉  
者顧失之乎李君子是乎能鳳  
鳴矣夫陳詩達俗正使臣之職也  
予持是編歸將藉手以獻明遠

登諸紀載用昭我國家之文治  
騰行海外者如此嗚呼豈不盛哉  
皇明 賜進士第欽差正使翰林院  
編修起居註 經筵展書官南  
州姜曰廣拜撰

夫詩言之文者也言散於志文  
生於情如噫氣吹萬于喁自鳴  
總屬天籟各國之詩名之曰風  
彼其途歌巷吟之音非必學士  
詞人之調而聖人用以冠詩首文  
貴天然是之取爾三石後詩盛  
於唐其時家列鼓吹惟太白稱



為仙才豈非以口頭妙辭一派  
天機獨風人之致乎晚世之詩悖  
烈祖而彌近宗推敲摹擬以為此  
輞川也此少陵也刻畫愈工天趣愈  
索若隋園之剪綵終謝春華無  
問秋實矣東國之於詩學若性之  
者釋子女流咸嫺聲律而李月

沙風慧奇穎早主文盟奚囊之  
蓄更富予索之止覩其紀行一  
帙圭馭數過則見夫豪宕而無  
傷蕩飄逸而無傷媚精工而無  
傷巧兼衆善之美貴正始之音  
其青蓮之後身耶彩毫之嫡派  
耶然予觀月沙有進於詩者

學乞二酉而不論文肯藏萬甲  
而不言兵玄參五派而不談禪  
落於世境之中矯於風塵  
之外朴之未雕玉之在璞吾每  
以相其為人其性地覺有異焉  
吐鳳天成雕虫餘緒詩也云乎  
哉是為序

皇明欽差宣諭監軍道河南  
按察司副使東牟梁之垣  
撰

自歐陽氏論文章有窮而後  
工之語操觚家多稱引為口實夫  
雕蟲寒苦之徒風呻雨喟吟嘒  
飛走爭妍醜於一言半辭者以  
是率之猶可也乃若鴻公接匠  
冠冕詞壇彰其色而黼黻青黃  
協其聲而笙簧金石以大鳴一

世者此其人與才豈囿於窮途之  
域而格其巧拂式應觀前代豪  
傑之士以文章致身宰輔無擅執  
苑之譽者蓋曠世罕覯而唯我  
朝為最盛此殆祖宗右文之效  
若故相國月沙李公真其人哉公  
自布衣時已有盛名甫釋褐攝

官起居注 宣廟臨朝見公記注  
瞻敏為倚案注目久之不覺研  
滴墜水沾公衣 命黃門拭之此  
公受知之始也兵亂後恒管樞院  
文書每一篇進 上未嘗不稱善  
錫賚相踵或命錄進草本及辨  
証事起 特命進秩充副使所

草奏券同時應制者凡數人而  
獨公作稱 旨華人見者萬口  
傳誦至廷臣覆議稱其明白洞  
快讀之令人涕洟，欲下自是  
公之文名遂震耀寰宇矣無  
何而踐八座握文衡為一代宗匠  
論者謂文人遭遇之盛古今鮮公

比云 宣廟知公雖深然無如消  
長之數何竟未能究其用尋遘  
否運當彝倫變故之際守正不  
撓屢玷不測及今 上龍飛公與  
諸耆碩同被眷遇竟膺大拜艱  
危之日盡瘁彌綸倦，忠愛之  
誠屢形於章疏而公亦已老矣

公於文詞天才絕人雖高文大冊  
多口占立就而辭暢理盡自中  
繩墨 宣廟嘗稱之曰寫出肺  
肝蘊藉典重其知公也至矣公  
既沒而諸子將行家集謂維嘗  
出公門下辱徵弁卷之文噫公之  
文章不唯國人知之天下之人舉知

之晚生末學強欲贅以一言是何  
足為公重哉然維嘗觀 皇朝  
汪學士輝叙公朝天詩有曰生  
意洋然神理煥發卓異曹劉  
駕軼李杜夫汪公身生華夏文  
明之會其所見者大矣而朝天一  
稿在公特豹文之一斑耳然其稱

道乃爾如使汪公盡見其所未見  
其為說豈心於是耶夫文章  
世固不乏若公雍容大雅得質  
文之備內以明主為知己外為  
中萃所稱慕施之廊廟則藻  
飾治道用之急難則昭雪國誣名  
實純粹照映竹素古人所謂經

國大業不朽盛事者非公其誰  
當之公之詩文以卷計者八十有  
一而續集不與焉國朝名家  
集未有若若是多者易大傳曰富  
有之謂大業不如是何以稱大家  
數嗚呼盛哉

德水張維撰

易曰文明以止人文也說者謂  
君臣父子各心其所此則聖人  
之文也下此而如鄭國之辭  
命既見稱於聖人而朱子亦善  
其能說義理則其為數世之  
福也信矣又孔子嘗歎二代之  
文獻無徵而然而又曰有宋存焉



月沙集序  
十五  
蓋觀於正考甫得商之名頌以  
祀先王而孔子得以編於詩後則  
豈止洪範微子諸書亦宋之  
自出耶蓋有獻然後有文鄭之  
辭命微東里諸人則誰能尊創  
而潤色之殷商之季苟無微箕  
膠鬲諸賢則其遺俗流風可得

以存耶其在我 朝則月沙李文  
忠公諱廷龜字聖微其殆庶幾乎  
公自在小官已掌絲綸以至  
仁祖改玉之後國家多事權經  
交互而公貴之容易渾浩流轉  
頃刻萬變蓋彬々乎昌矣而其  
義理則必主於典謨雅頌參之以

左國公穀故苟考信於六藝之  
文者雖刻薄如申韓縱橫如儀  
秦莫不心服而口唯焉最是萬  
曆戊戌辨誣奏文辭嚴義明  
名正理得 天朝諸大人開納  
敷奏 神宗皇帝洞照寃枉  
快賜伸雪 聖謨神翰炳如日星

微公此文則數千里箕子之邦  
將未免於夷虜禽獸之歸  
矣最功定次誰與競哉雖然  
為是者有本有源觀於宋御  
史幕中大學講語可見公之學  
問而其學一主於洛閩而靡他也  
故御史雖主象山陽明而於公之

論說不敢割擊至於補亡之章  
朱子實用庶頗趙卒而御史亦  
且肯從公說不敢疑貳而其終不  
回頭者惟經一章改親為新而  
已然則公之學之心而不撓奪於異  
端者如何也嗚呼公之 帝遞奏  
文一出而華夷逆順皆得其心此

乃天地之常經古今之通義也  
大學講語一出而章句訓詁各得  
其心此乃聖賢之宗旨孔門之衣  
鉢也是雖未可遽議於文明以心  
之域而抑其所止者亦不可謂不大  
則其餘小者目之可知盍觀於栗  
谷先生之狀文乎今人大都曰知

宗栗谷而其知之真信之篤而形容盡者未有如此狀者也蓋學得其正然後命辭無差命辭無差然後吾乃沛然矣嗚呼觀此數篇論議則其為文獻何如也雖百世可徵也是宜藏之名山副在京師使與天壤終始可

也始門人崔有海刊其全集於公山今已壞亂不可次第公之孫判書翊相弼卿奉其先旨與其堂姪喜朝等亟謀重刊而老峯閔相公鼎重大受實贊斯後焉其意蓋曰宇宙間此等文字自不泯滅然六籍之傳尚有賴於

剗剗之功則今請重刊之後正不  
可緩也云弼卿諸人猥以問序  
於余曰序不必多矣 中朝  
大雅本朝名公皆已發揮矣  
惟茲辨奏數文字無甚表章  
其在今日表章之尤不可也  
何也世衰道微設濫邪道塞

路滔天尊周之說為天下所  
諱而朱子之學或不免舐排公  
之文獻尤豈可任其埋沒不以  
新一世之耳目哉曩也悉索弊  
賦之時清陰文正公引用奏中萬  
折必東語公誦於朝而天之經地之  
義民之彛燦然復明於世嗚呼

百世之後復有能徵如文正公者乎不但為數世之福而已否乎或將曰於心知其所止乎嗚呼是豈易與俗人言哉噫

著雍執徐三月 日思津

宋時烈撰

月沙先生集目錄

卷之一

三槎酬唱錄合五十八首

七言絕句十二首

五言律詩十一首

七言律詩三十一首

五言排律一首

七言古詩三首

卷之二

戊戌朝天錄上〇合七十七首

五言絕句三首

六言絕句一首

七言絕句二十七首

五言律詩八首

七言律詩三十四首

五言古詩一首

七言古詩三首

卷之三

戊戌朝天錄下〇合九

七言絕句五十八首

五言律詩十六首

七言律詩十四首

五言排律二首

五言古詩二首

七言古詩四首

賦一首

卷之四

甲辰朝天錄上〇合六

七言絕句十首

五言律詩二十七首

七言律詩二十一首

五言排律一首

七言排律一首

五言古詩二首

七言古詩三首

卷之五

甲辰朝天錄下○合五  
十五首

五言絕句一首

七言絕句十一首

五言律詩十二首

七言律詩二十三首  
五言排律一首  
五言古詩四首  
七言古詩三首

卷之六

丙辰朝天錄合四十  
一首

七言絕句十一首

五言律詩十三首

七言律詩十五首

五言排律一首



五言古詩一首

卷之七

庚申朝天錄上〇合五  
十六首

五言絕句一首

七言絕句三十首

五言律詩十二首

七言律詩十首

五言古詩二首

七言歌行一首

卷之八

庚申朝天錄下〇合五  
十九首

七言絕句二十四首

五言律詩十六首

七言律詩十五首

五言古詩三首

七言古詩一首

卷之九

東槎錄上〇合五  
十五首

五言絕句一首

七言絕句十七首

五言律詩十二首

七言律詩二十二首

五言古詩二首

七言古詩一首

卷之十

東槎錄下〇合七十一首

七言絕句二十五首

五言律詩二十三首

七言律詩十七首

五言古詩一首

七言古詩三首

歌辭二首

卷之十一

儂接錄上〇合二十首

七言絕句三首

五言律詩一首

七言律詩十四首

五言排律一首

七言古詩一首

卷之十二

儋接錄中〇合二  
十四首

七言絕句五首

五言律詩五首

七言律詩八首

五言古詩一首

七言古詩五首

卷之十三

儋接錄下〇合三  
十四首

五言絕句一首

七言絕句四首

五言律詩四首

七言律詩二十三首

七言排律一首

五言古詩一首

卷之十四

廢逐錄上〇合  
百四首

五言絕句二首

七言絕句三十四首

五言律詩二十七首

七言律詩二十七首

五言排律一首  
五言古詩十三首

卷之十五

廢逐錄下〇合七  
十八首

五言絕句二首

七言絕句四十首

五言律詩十四首

七言律詩二十首

五言古詩一首

七言古詩一首

卷之十六

倦應錄上〇合二百  
九十九首

五言絕句一首

六言絕句一首

七言絕句八十一首

五言律詩八十一首

七言律詩一百二十一首

五言排律四首

七言排律三首

五言古詩七首

卷之十七

倦應錄

中〇合二百九十六首

五言絕句三首

七言絕句八十六首

五言律詩九十三首

七言律詩八十九首

七言排律七首

四言三首

五言古詩八首

七言古詩七首

卷之十八

倦應錄

下〇合二百三十五首

五言絕句十首

七言絕句五十七首

五言律詩六十首

七言律詩八十四首

五言排律九首

七言排律五首

五言古詩七首

七言古詩三首

卷之十九

大學講語上七章

卷之二十

大學講語下四章

卷之二十一

戊戌辨誣錄

奏一首

呈文四首

卷之二十二

奏十三首

卷之二十三

咨十六首

卷之二十四

啓二首

揭上三十四首

卷之二十五

揭下三十四首

卷之二十六

筵中啓事七首

筵中講義五編

目錄

卷之二十七

啓辭十九首

卷之二十八

議十八首

卷之二十九

疏十七首

卷之三十

劄上十三首

卷之三十一

劄中三十三首

卷之三十二

劄下十五首

卷之三十三

雜著

文二首

說一首

表二首

策題八首

卷之三十四

簡帖二十五首

卷之三十五

書牘上二十八首

卷之三十六

書牘下二十六首

卷之三十七

記上十二首

卷之三十八

記下十一首

卷之三十九

序上十四首

卷之四十

序下十五首

卷之四十一

跋九首

上樑文二首

卷之四十二

神道碑銘上九首

卷之四十三

神道碑銘中八首

卷之四十四



神道碑銘下九首

卷之四十五

碑銘四首

卷之四十六

墓碣銘上十一首

卷之四十七

墓碣銘下十二首

卷之四十八

墓誌銘上八首

卷之四十九

墓誌銘下一首

墓表八首

碑陰記二首

卷之五十

行狀上一首

卷之五十一

行狀中二首

卷之五十二

行狀下二首

卷之五十三

目錄

三

謚狀上一首

卷之五十四

謚狀下一首

卷之五十五

祭文上二十二首

卷之五十六

祭文下十五首

哀辭一首

卷之五十七

表箋二十七首

卷之五十八

冊文八首

教命文三首

頒教文十二首

教書一首

樂章二首

歌謠一首

卷之五十九

呈文四首

書契五首

卷之六十

南宮錄上

啓辭二十一首

卷之六十一

南宮錄中

啓辭三十五首

露布一首

卷之六十二

南宮錄下

啓辭四十五首

卷之六十三

庚申朝天紀事

附錄卷之一

祭文二十三首

挽章三十三首

附錄卷之二

行狀

附錄卷之三

謚狀

附錄卷之四

墓誌銘

附錄卷之五

神道碑銘

月沙先生集目錄終

月沙先生集卷之一

三槎酬唱錄

萬曆癸巳春 天朝經略兵部左侍郎桐江宋公應昌按節東來移咨本國令選講官文學之士三人來候幕下余與秋浦黃公及柳夢寅俱膺是選經略禮遇甚盛軍務之暇間日相接講大學旨義自製一篇講語令余等逐章和撰自三月會於安州至九月經略渡江後始還 朝其間六七朔聯袂而宿並轡而行雖在途道旅寓兵戈擾攘之中而未嘗不以經籍相隨亦未



嘗不以翰墨相娛觸物興懷酬唱吟述者共若干首景為一帙名之曰三槎酬唱錄厥後屢經患故遺失頗多只收拾余所製錄于左大學講語則經略自軍中鈔梓印一本以贈而今亡之只取謄本錄諸文集云時公年三十以說書被選

安州路上並轡口占硬韻一候內惡成

博學君同太史閣家書曾插鄴侯籤冰壺爽氣清於水玉塵談鋒利似鏃獻賦當年看霧豹揮毫幾處展霜縑聯裾幸此窮歡賞左手持盃右手盞

次韻

思叔

名姓平生昧妾聞一官長是趁郵籤雲岩館裏花如霰安市城中月似鏃短褐弊來餘故絮長篇寫出有新縑羈愁宦味嘗曾遍且把松醪對虎盞

又次思叔硬韻二首

瓊尾孤蹤執夢珪誰將寸舌下全齊年來壯志勤嘗膽老去狂圖悔噬臍聖世祗今容螻蟻清朝願莫殺虹蜺歸田報國俱無策惟有丹心斷斷兮  
遠山如劔復如珪江樹童童翠色齊鶴過嶺雲飛逸響麝眠汀草濕香臍珠簾照水驚朝蛩畫棟飛空認斷蛭如許名區堪卜築白頭胡不去來兮

控江亭呼韻

雨氣連江江氣冥幽花夾路醉魂馨霞邊孤鶯隨綠白  
雲際遙山盡意青萬里一身惟短褐百年雙鬢幾長亭  
兵戈任送書生老堪笑悠悠土木形

嘉山館舍次黃思叔韻

邂逅婣妍月下仙前生久結此生緣芳愁無限春歸後  
嬌恨千般燕語前暮雨琴臺消息絕暗燈鴛枕夢魂牽  
劉郎會有重尋日回首天台路杳然

之欲饋酒則已赴他處矣仍  
共戲賦以為逆旅中一處

納清亭呼韻

四月江樓湖水生青蕪杳杳望中平山河萬里新亭淚  
京洛三年故國情丹檻納涼風一陣白頭臨水雪千莖  
吟邊物色渾如夢細草閑花暗去程

詠猿次思叔韻二首

軍中有馴  
猿來示考

幾聲哀怨響春山多在荆雲郢樹間舞劍巧伸飛將臂  
竊醪替戴醉胡顏縱令冠沐應堪笑試用欽寄却解攀  
此去莫隨君子化功成歸後脫重環  
王孫狡質本宜山何事依生僻壘間智昧四三休伐巧  
技窮伎倆莫呈顏飢鷹嘴利須深避朽樹枝危戒遠攀  
倘遇賜緋堪供奉寺門應有舊時環

次思叔韻解朝因戲二公

黃公類婦柳如嬰晒我花場太薄情莫詫容顏能悅目  
須要姬妾不知名何生粉飾當時笑謝老清癯舉世榮  
若喚紫雲看御史風流應訝十分贏

原韻

思叔

憂患侵尋疾病嬰此身那復舊風情多慙第一仙人  
許到被無雙國士名得果盈車何足喜有髯如戟亦  
非榮老年花分還堪笑失不爲輸得不贏

新安途中呼韻二首

新詩哦罷替傳呼領略風光十里途細草歌花山谷句

斷橋斜店輞川圖塊消戎馬誰招却夢返鄉園得到無  
佳境賞心都寂寞更堪村夜伴燈孤

曉牙初闢大臚呼兵部旌旗已戒途勲業世期衰綠野  
威名人識范龍圖三韓風雨談邊了十島鯨鯢眼底無  
剽把平生經濟手袞衣隨處慰鰥孤

次經略林畔館韻

九天垂雨露萬里接風雲盛事今方見偏邦古未聞劔  
光騰雪萼旗影動龍文今代誰班馬鐫功漢水濱

端陽日登百祥樓

天涯物色登臨地劔外山河鼓角時病眼摩挲猶望遠

枯腸抖擻強吟詩牙箏只供殊方樂角黍還添舊節悲  
時天兵彈箏于樓上又主  
倅饋吾等以角黍故云日暮歸心隨水遠曲欄徙倚  
轉淒其

次思叔韻三首

村迥江深處山遙地盡頭柳晴初轉日潮動欲沉樓未  
擊祖生楫空懷張翰舟登臨今古恨撫劒涕橫流  
野濶風圍座烏紗不掛頭波聲驅絕壑水氣浸危樓落  
日懸金柱新醪歛玉舟平生丈夫淚一一灑歸流  
我心忽不樂孤坐頻搔頭欲倒洞庭水更捉黃鶴樓西  
呼採藥子共泛扶桑舟世事不如意日月頭邊流

憶昔

憶曾去歲端陽日盡室蒼黃避賊行同谷縣中收橡栗  
彭衙道上困榛荆重逢節物渾如夢共說艱辛祗自驚  
萬事茫茫江海暮獨憑危檻聽潮聲

經略衙門有一年少容姿妍好一者接話長衣經  
略之側不得再見詩以咏之

紈綺高門鍾最奇階庭玉樹稱其兒風神皎皎澄秋水  
眉宇軒軒秀紫芝天上石麟今再覩雪中仙鶴自殊姿  
何時得共阿戎話重見髡毛兩耳垂

詠經略二首



尚書行省壓箕都漢闕風雲接海隅  
帳下牙旌分武庫陣前貔虎撤金吾  
指麾神筭漁陽將顛倒雄譚魯國儒  
他日功成歸衮舄東人西望我公呼  
將軍旌節發皇都勁弩精兵動四隅  
八教遺封幾卉服一匡竒績賴夷吾  
楯頭磨墨慙雄藻帳下橫經笑腐儒  
排難功成還講藝聖恩惟祝萬年呼

又用前韻贈二公

羨君雄藻擅鴻都瓊樹芳華照座隅  
何幸忘形相爾汝自誇馳志在伊吾  
憂時未獻治安策讀書耻爲章句儒  
會有男兒心上事莫將樽酒費歌呼

夕登百祥樓

五月江樓布褐寬孤城雨色動輕寒  
汀沙如洗潮初落林月欲生人未還  
浦口淡烟橫一黛鳥邊遙岫擁千鬟  
誰人解把龍眠手畫我孤吟倚曲欄

喜安公見訪卽席呼韻三首

睡起庭陰晚筇音響寂寥艱危說往事  
盃酒慰今朝生理萍蹤轉鄉園漢水遙  
羈愁不可寫且復判良宵物色催遲暮  
生涯向寂寥兵戈拋壯志愚拙奈清朝  
拖紫功名晚還丹歲月遙書空無限事  
撫劒坐中宵倚杖斜陽裏江天政沈寥  
殘生餘老病世事幾昏朝日

下歸心切天邊去鳥遙悲歌忽激烈孤坐送清宵

夜登百祥樓呼韻

高樓河漢影橫斜極浦潮歸見渚沙夜色空明連野色  
月華浮動蘸川華閑鷗酷似人頭白亂苗爭如愁緒多  
遲暮賞心渾寂寞村醪且可典衣賒

贈金華老人葛亮

平生每想江南好荷桂仙區首獨回今日逢君如舊識  
滿川明月說天台

錢塘歌贈金華秀才

爾家何在錢塘隅錢塘形勝天下無繁華佳麗擅東吳

四明天目真仙區山河控帶舊雄都赤城霞氣連蒼梧  
三秋荷桂十里湖煙雨樓臺如畫圖珠簾晴捲十字衢  
處處青帘閑酒壚浙江潮聲捲地樞八月壯觀何其娛  
雷公咆哮島嶼驅壯志千載如須臾蘇堤橋斷暗新蒲  
錢氏臺殘迷綠蕪地靈人傑信不誣毓秀往往生名儒  
看君骨格清且癯碧眼紅頰仍霜鬚吳門幾日隱屠沽  
髣髴高陽之酒徒相逢逆旅一胡盧譯語纔傳情共享  
新詩且復綴驪珠山水清譚至日晡聞來頓覺舊痾蘇  
况入西湖遊小孤不知身在海外封疆殊可憐亡國一  
大夫跡阻偏裔空長吁時危碌碌未捐軀白首金馬慙

鷓鴣趨長懷遠遊膽常鹿幾年春草悲窮途江南佳境夢  
空紆樓屑兵塵成老枯祗今天子做唐虞一揮神戈文  
德敷鯨鯢行復就王誅海外蒼生拯炭塗梯航戎羯與  
蠻胡一視內外均治模我欲從今學棄繻青鞋藤杖與  
子俱歷盡四百八十之浮屠西登太白喚洪盧共折瓊  
草遊蓬壺翺翔雲外弄麻姑俯視人間歲只如隙駒霞  
車羽蓋飄飄乎

次思叔雨中漫興韻

舞罷商羊風滿衣漫江宿霧掩朝暉輕侵布褐涼微透  
細滴茅簷響漸稀幕地頑雲凝不捲定巢嬌燕濕猶飛

焚香穩睡無餘事絕勝山陰帶雪歸

安興卽事聯句

沒韻順押  
不遺一字

五月西州路江邊氣鬱蒸聖地早憂瘴癘天早閔黎烝  
思一室室中羃渾身甌裏脰寅倦遊真耐苦優渥愧叨  
承遷舍空彈鋏詩不負丞叔枕歌香嶽晚纓濯薩  
湖激寅詞藻芝蘭馥襟懷水月澄聖任教芳歲歇難遣  
客心愷叔邦國曾無事荆舒舊已懲寅山河扶象魏日  
月繞園陵聖冠冕青春入鑿珂紫陌凌叔金門聯赤芾  
銀燭直青綾寅酒賜宮壺歛冰頒玉井凌聖承明看闔  
草太液聽歌菱叔天閣才劉向龍門望李膺寅遭逢知

不世聲氣類相應微聖共許鳴朝鳳寧教噤晚蟪叔思鼓牙  
無伏慙厲吻絕飢鷹寅彤管忙仍把華堂醉幾凭微聖治  
方欣海晏危孰戒河馮叔思文勝醇風喪綱頽詭議憑寅  
夢氛嗟甚惡周政歎無冰微聖下屋民無靦窮山賊有棚  
叔思廟謨倂首鼠士類劇營蠅寅篤弼誰金礪忠言欠木  
繩微聖聖朝機一失孽虜釁終乘叔思寇棘方兼鎬齊亡淄  
與澠寅內人悲鳥竄官榻吊孤升微聖行殿瞻天極春闈  
覩日昇叔思羣生殲已盡諸將秩空陞寅臍噬嗟何及腸  
摧痛不勝微聖湖畿師漸老關海禍相仍叔思撥亂力綿薄  
蹈危心戰兢寅蜂屯恣殺掠豕突勢驕矜微聖逃難爭重

趺勤王費屢徵叔思空拳當戟鍛香餌闕金繒寅援救無  
韓趙孤危似莒郢微聖吾儕任跋涉幾度越峻嶒叔思冒險  
衣裘弊逃虛涕泗凝寅星還虧夕饌露宿困晨興微聖蹤  
迹長嫌淺官銜却怕稱叔思輿臺從爾汝僮僕戒揚僂寅  
野草飢腸惱村醪醉步登微聖緣崖看崑岷歷澗聽崩砢  
叔思深幾携兒厲高猶負老登寅楊山三夏葛麻店九秋  
燈微聖顏顏留塵垢行裝任屨登叔思扶藜辭款段藉草替  
氈毼寅林僻防蛇蝎糧空罄瓦甑微聖寺逢新造佛經識  
舊名楞叔思帶爲鄉愁緩衣因夜坐稜寅高飛羨野鳥塵  
累愧山僧微聖萬死丹心耿孤臣白髮鬢叔思風塵播越後

魚水感懷增寅生返皆恩眷天心孰愛憎微聖書筵名忽

忝盛事見何曾叔思龍衮要施繡鴻冥肯避矰寅直廬關

歟鑰清漢夢魚曾微聖旅泊淹戎幕幽居憶夏槽叔思身隨

萬馬殿迹下五雲層寅排悶資吟咏開懷荷友朋微聖卜

隣迎浙客僦舍傍官堦叔思樓喚千年鶴溟看萬里鵬寅

明經慙夏勝曲學戒孫弘微聖禽倦思投棹鴛疲欲謝鞞

思絕裾痛温嶠同被戀姜肱寅燈影宵懸炯虫飛曉聒

薨微聖浮沉君不屑蹇拙我無能叔思黃妳騷場伴青蚨酒

肆騰寅自慙聯壁瓦頗類間齊滕微聖羈枕迷歸計家書

啓遠滕叔思藥畦開白柄道訣束青滕寅民餒悲庚癸禾

枯憇鬢微聖舊遊擡病眼往事倚枯藤叔思華語翻方譯

唐詩懶手謄寅消中長困睡渴肺但沉癢微聖每歎吾衰

久誰言得福恒叔思事懲前轍覆政戒大絃寅匡復時

將奏旋歸月幾絙微聖家無四壁立門絕尺童叔思舊址

清灰燼新宮起椽陜寅從今慶再造莫慮杞天崩微聖

諫官上時獎疏 答教哀痛優獎即命陞秩喜而

口占

十行哀痛下温綸御筆親增諫議班仗下鶴鸞爭鼓氣  
草間豪傑盡彈冠宣光聖哲中興業竹帛馨香後代看  
忍死到今觀盛事從茲不仕可歸山

次梁苑俠客行贈熊相公飛夢

大梁有客熊氏子，睨視王侯高不事。白罽袍光照雲海，落日買醉金陵市。藏名屠釣觀世變，倚馬橫鞭過沙苑。長吟梁甫不滿意，海內英豪願一見。平生未嘗色喜怒，千金一擲誰復顧。徘徊天下孰知君，肉眼舉是悠悠人。

送鄭相公季懷還赤辟

荆山矗矗鎮南紀，北當中原清淑氣。應有魁梧碩士生，其間鄭君鄭君無。乃是蕭然霞想不受塵，眉宇炯炯秋江水。自言平生好幽隱，五嶽尋仙不知遠。手中飄然三尺藤，足迹踏遍天下半。西登太華窮落鴈，直泝河源窺

日觀時邀紫陽仙，屢讀碧玉篇。夜掃石上月，獨倚秋霞眠。翱翔萬物外，瞥然二十年。琴心三疊未就道，手抄仙經不知老。青囊道帙人莫識，三湘七澤恣探討。忽然東來六千里，要觀瀛海尋蓬島。蓬島何茫茫，風波浩無梁。六鰲頂折三山流，頑蛟怒鱷何橫張。仙人不可見，悵望空心傷。徘徊海隅無與語，閑似浮雲且西去。我初見君行伍中，異地神交心便許。談空覈玄霜雪飛，風雨連床吐情緒。今朝來謂曰：明日當相別，袖持一首詩。明我長相憶，是時積雨霽。滿懷清川月，離愁撩亂不可寫。後會茫茫更淒絕，我言男兒生一世，斯文一氣應嘿契肝膽。

地不隔莫恨華夷界人生會有逢聚散焉能窮我亦有  
四方志安能鬱鬱老死窮海中便欲騎青牛出關去跨  
汗漫遊鴻濛揮手弄紫海會見蟠桃實熟三千載南遊  
太白倘可期碧雲桂樹須相待

秋夜讀書口占二首

每向南江憶弊廬歲寒歸計負樵漁燈前目力依然在  
堪了山房萬卷書

月色蟲聲伴客愁枕邊歸夢落滄洲朝來鴈背西風惡  
涼雨荒城又一秋

雨夜與李而遠小酌口呼

簾外疎疎雨燈前滿滿盃那堪羈思苦况是故人來絕  
壑秋聲遠寒城暮柝哀兵戈歸路暗關塞歲年催

清川江待舟久坐

蘋花雨過香濕衣落日茫茫下沙渚山腰黑雲拖雨來  
晚風吹過前江去

八月十五夜與都監諸公及四五太守會達川橋

上玩月二首

橋在定州東五里許

十里河橋秋漲深使君開席此同臨清光不負今宵月  
狂興都非舊日心且把酒盃酬勝節強排詩律慰煩襟  
茫茫關塞迷歸夢故國回頭淚不禁

擾擾兵戈日着忙不知時節已秋涼無端一餉湖鄉與  
豆煮畦青蟹劈黃

雲興途中次思叔韻

秋懷寥落鬢毛殘半日清歡亦一難歸夢幾多迷塞路  
暮雲何處望鄉山事當快意須回首詩到雄鋒每汗顏  
剩買一區湖外宅野琴村酒老其間

東林城呼韻

廢城在村畔道傍

落日東林道垂鞭數驛程寒煙屯古戍獨鳥下荒城萬  
壑藏秋籟孤村繞水聲茫茫興廢事今古一傷情

到車輦村迺呂相公永明携酒話穩呂出一詩次

韻贈之

君如鸞鶴氣蕭森醉後自歌梁甫吟骯髒塵中不適意  
徘徊宇內誰知音請纓非為功名志殺賊少酬男子心

呂往南邊斬二賊來故云世事蹉跎歲月暮把盃一笑秋江深

原韻

呂永明

學士雙臨玉節森傾樽為我索長吟龍光豹韜盃中  
業流水高山座上音周召幾年君入夢孔顏千古我  
知心儒風豈為封疆限文物從來意氣深

經略與巡按登統軍亭設宴呼吾等與語罷出後

口占



擾擾兵戈日着忙不知時節已秋涼無端一餉湖鄉與  
豆煮畦青蟹劈黃

雲興途中次思叔韻

秋懷寥落鬢毛殘半日清歡亦一難歸夢幾多迷塞路  
暮雲何處望鄉山事當快意須回首詩到雄鋒每汗顏  
剩買一區湖外宅野琴村酒老其間

東林城呼韻廢城在村畔道傍

落日東林道垂鞭數驛程寒煙屯古戍獨鳥下荒城萬  
壑藏秋籟孤村繞水聲茫茫興廢事今古一傷情

到車輦村 迺呂相公永明携酒話穩呂出一詩次

韻贈之

君如鸞鶴氣蕭森醉後自歌梁甫吟骭髒塵中不適意  
徘徊宇內誰知音請纓非為功名志殺賊少酬男子心

呂往南邊斬二賊來故云世事蹉跎歲月暮把盃一笑秋江深

原韻

呂永明

學士雙臨玉節森傾樽為我索長吟龍光豹韜盃中  
業流水高山座上音周召幾年君入夢孔顏千古我  
知心儒風豈為封疆限文物從來意氣深

經略與巡按登統軍亭設宴呼吾等與語罷出後

口占

錦幄橫秋倚半霄閑亭風物此時饒浮雲直北胡山壯  
落日迤西漢塞遙沙觜斷霞和落鴈海門孤棹帶歸潮  
岳陽黃鶴誰高下題品今應得細料

和王通判鄭策士留別詩二首

海外重看吾道東微言樂荷闡羣蒙于今盛事三韓肇  
自古斯文一氣同白首校書慙畫虎青萍增價忝登龍  
靈篇頓悟齊心訣喚起平生睡夢中  
天涯物色重陽節塞外風霜萬死餘衰鬢更堪驚落帽  
清樽其奈惜分裾塵橫星嶺兵戈暗秋晚遼河草樹疎  
千里心肝地不隔一封休惜過關書

留別李翰林月沙二首

惠泉王君榮

三韓千載衍箕疇軍旅猶然俎豆求禮樂人情非異  
代干戈風浪却同舟傳經愧我聲名薄重道多君意  
氣投夢曉函關解相識青牛應不負東遊  
最愛箕封幾雋賢徘徊逆旅坐譚玄天人感應心機  
活道器流傳行業堅謾說忘言絕妙奧須知得意有  
真詮黃花滿眼相思淚別後休教魚鴈違

俚語留別月沙先生大雅 楚赤壁山人鄭珍

殊方相見卽相親握手論心意自真亂後衣冠偏寂  
寞愁來雲物捲傷神含盃月照鄉關渺說劍風生羸

海濱幸遇延平探理窟那堪遽別走風塵

次李實之韻二首

懸燈悄悄聽鳴鑿病眼無眠夜苦長歸夢幾圓關外月  
閑愁先着鬢邊霜二年兵甲乾坤破萬里江湖鴻鴈忙  
世味祇今思爛熟餘生吾已傍滄浪

往事回頭辛卯年金鑿同直對床眠官壺夜醉花驪月  
彤管朝趨寶篆烟北塞風霜消息苦南鄉雲樹夢魂牽  
榮華憔悴那堪說地覆天翻捻杳然

到戊辰臺口占寄李叔推

叔推時在价川

一夜官齋話長亭又獨回清秋癸巳歲落日戊辰臺兵

甲書生老關河歲月催登臨今古恨愴別更徘徊

次降仙樓韻七首

十二峯巒繞一川孤樓縹緲引羣仙蓬萊不是難尋處  
底事塵中三十年

丹訣無緣問稚川不知人世有神仙倘無今夜樓中宿  
幾誤浮生此百年

巫山明月浸長川鶴背冷風送羽仙當日樓前吹笛過  
蒼梧朝暮幾千年

樓前秋漲倒平川夜半波聲撼洞仙孤倚曲欄星月淡  
不知身世是何年

每歎流光疾逝川丹砂無計學飛仙如今一覺三生夢  
不數人間甲子年

月滿高樓水滿川宵襟清澈箇真仙歌紗朗嘯無餘事  
始覺前非廿九年

關西形勝說成川樓觀繁華是降仙舉目山河渾昔日  
登臨不似太平年

博川官舍暫秣馬主倅不在適遇洪仲瑞少話而  
別用板上韻贈仲瑞

旅館何寥落秋聲起遠林枯荷半塘靜衰菊一庭深報  
國無長策排愁有短吟逢君復回棹邂逅是山陰

次思叔韻二首

俯仰山高而水深英雄幾箇此銷沉一生酒聖陶彭澤  
千載詩豪李翰林侯王將相非吾事日月星辰照此心  
不寐三更看北斗欲將春酒與之斟

長夏西州草木深水鄉霖雨共沉沉潭龍睡起雲噓壁  
山鬼歸來月隱林萬里江湖騷客淚一身憂樂老臣心  
王事未報收南嶺且把澆愁酒細斟

月沙先生集卷之一

月沙先生集卷之二

戊戌朝天錄上

萬曆戊戌 天朝經理楊鎬新奏島山之捷被  
祭於贊畫丁應泰革任西還 宣廟上奏保留  
經理應泰移怒於本國搆捏參奏惡名狼籍  
宣廟閉閣待罪逾月不視事 朝廷將差出辨  
誣使必以相臣為上价弼雲李公恒福以兵曹  
判書陞拜右議政為陳奏上使余以參知 特  
命加資為副使黃汝一為書狀官十一月辭朝  
己亥正月到北京 皇帝覽奏快賜昭雪應泰

革職聽勘 聖旨 在文集成 成辨誣錄中是役也 雖時事艱虞而東報屢聞賊退 聖旨快辨厚誣喜慰之極頓忘道途羈旅之苦談謔交驩絕去拘檢或聯床而睡或並馬而馳沿途所見皆是新面目觸物寓興賦詠酬唱通有數百篇錄于左

龍灣大雪後書茅苴薛五首錄上弼雲相公

塞垣寒日下平沙暮雪蕭蕭已滿蓑  
翳地頑雲凝不捲漫天狂絮浩無涯  
輕飄卷裏添詩興巧上簪端作鬢華  
却怕銀河水便合九霄迢遞阻星槎

天工作意發陰機幻出繁華辦一奇  
却見盈虛消息處還如開闢混濛時  
可憐窮海魚龍冷休歎空林鳥雀飢  
湯餅地爐消永夜十分佳事更新詩

應是崑岡玉石焚瓊灰瑤燼滿乾坤  
飄零似趁梅花約輕薄還欺柳絮魂  
半夜奇功收蔡窟一篇新製憶梁園  
山陰載酒堪乘興寧學袁安但閉門

幻盡塵區作別區玲瓏珠樹耀清都  
驅除雲日埋光彩粧點河山入畫圖  
馬耳雙尖看突兀羊腸千曲失崎嶇  
宵中洗盡三生累瑩徹靈臺一點無

馬耳山名在鎮江

清齋孤坐凍生瓶靜夜寒聲入小屏  
不怕嚴威欺病骨

且欣疎響愜幽聽燈明半壁詩初就脚冷重衾夢易醒  
白戰千秋傳勝事高風堪繼聚星亭

次韻

弼雲

河上飢鳥噪晚沙黃雲和雪凍魚叢陰山夜獵迷千  
騎渤海粮帆滯一涯萬里客驚關外夢九分頭白鬢  
邊華東湖久負又魚會那得敲冰手刺槎

羣帝譁譁弄秘機更教明月闔清竒真遊剡曲無回  
棹神武淮西想得時宿鵲附簷能警夜凍鷗蹲樹或  
呼飢客中情景俱殊絕未可無君五首詩

剗腸憂世劇如焚夜起狂呼徹厚坤故遣冰花除熱

惱且將瓊藥洗詩魂蝗應入地先呈瑞絮欲漫天忽

滿園却憶舊山深竹裏木爐煨栗晝關門

西隴才名振八區一時詞賦擅三都閑酬對景尋詩

債誰畫憑欄詠雪圖古戍獵歸寒栗烈長河水白路

崎嶇雲牋調我袁安卧試問山陰興有無

羔兒誰薦鬱金瓶老眼無眠倚曲屏愁向旅窓閑裏

苦雪從枯木夜深聽清詩帶爽來投暗仙韻生冰可

喚醒從此薊門千里路百篇隨處賁郵亭

冬至日有感錄上弼雲相公兼示海月公二首

海

書狀  
號也

西來倏忽過三旬節序偏催老病身客路有期長計日  
羈懷無限又逢辰窓間新旭初添萼雪裏寒柯已待春  
遙望紫宸天北極孤城落日更沾巾  
曾於羲易見天心奧義重看首尾吟日轉卯南回淑景  
陽生子半破窮陰亨嘉已占乾坤泰衰病還驚歲月侵  
青瑣賀班身獨遠白頭愁絕暮江潯

次韻

海月

一年三百五餘旬千里長為馬上身絕域更逢南至  
日危樓還屬北望辰命歸破竹胡天霽陽發吹葭漢  
塞春新數中興今日始莫將風景浪沾巾

歲暮空驚烈士心漫將東武費長吟君臣痛未明三  
虎天地心先捲九陰已兆陽春看雪盡不應黃道被  
雲侵丁寧竣事東還日簫鼓來迎鴨水潯

宣傳官之來月汀老先生遠寄瓊什詩以鳴謝

寥落孤城倚夕曛忽看宣使自天門清詩帶雪來寒塞  
羈夢先春返故園此日文章傾後輩當時名姓動中原  
華人定問公安否擬把瓊篇與討論

次龍灣通判茅亭韻

往跡重遊今六年小亭新構只三椽平臨漢塞層冰外  
遠挹胡山落照邊萬里萍蓬長客路一尊風雪又離筵



浮生聚散真難料舊館還逢舊主賢余於癸巳春奉使來此于今六年主

人別駕猶在故及之

次海月志喜韻二首

擁衾牢睡到無何忽見瓊瑤入袖多老眼尚堪看細字  
殘燈猶許伴沉痾愁邊得句吟還苦夢裏歸家路更賒  
佳會久違良夜醉人間萬事巧成魔

聞道官軍鏖賊營更傳窮海斬長鯨山河萬里煙塵霽  
宮闕千秋日月明病裏不禁開戶坐喜深還自遶床行  
自憐塞外猶淹泊空想鵷班獻賀聲

又成喜捷一首奉弼雲海月兩案

昨夜旋頭頌泰階纔聞兇孽戮蒿街波恬銅柱提封遠  
日繞金莖氣象佳青春已作還鄉伴白首差寬去國懷  
殘病祇今猶覺健剩將文字頌平淮

次韻

弼雲

千戚休煩舞兩階三軍騰氣溢天街威加党項恩兼  
服碑勒燕然頌更佳老膽輪困頻斫案喜心翻倒獨  
歌懷東來諸將多才俊借問誰先入蔡淮

聞相公雪夜步往東樓恨未同賞錄上二首

清夜東樓白接羅風流惟許小僮知征西幕裏無佳士  
未見胡床嘯詠時

瀟灑山公白接羅閑情却怕俗人知前江小雪初收夜  
正是高樓獨立時

次海月韻二首

舊日恩情祇自誇別來誰復理鈿華當時添却真真障  
六載重逢便喚爺  
休向花場語太誇此來無復管繁華少年名姓渾無記  
愧殺頭街喚老爺

原韻

海月

黑頭賢相事堪誇更帶文星映副華白首獨慙書狀  
老龍灣今日聽呼爺

戲答海月

春心脉脉欲無媒雪裏寒香未放梅老子風情兀不淺  
隔牆休惜一枝來

龍灣遇金景擇以 聖節使回自北京同宿一夜

旋別錄贈

世路長行後浮生半別離纔成一夜話又作隔年期絕  
域淹旌日孤槎出塞時臨歧各惆悵風雪古河湄

過江口占二首

城頭冰雪塞長河關樹依依看漸賒每說并州為客苦  
如今回望似吾家

津亭草草罷行筵日暮官僮拜馬前不是恩情難別處  
臨歧自覺意悽然

乾河道中

早發乾河路垂鞭問驛亭歸雲屯古戍宿鷺護寒汀城  
角吟遼月江槎泛漢星溪山渾髣髴觸眼似曾經

鳳凰山二首

山有東明  
正舊城

伊昔勾麗祖於茲作邑畿地靈真間世天險設重圍鳳  
去山空在城遷石自巍茫茫興廢跡今古一沾衣  
朝日玲瓏照澗水銀河遙掛白雲層緣何一把長房杖  
千仞峯巒取次登

次松鵲山韻

旅情詩思集毫端頭上雲山倚馬看焉得并州千斛酒  
一盃相屬破輕寒

次二渡村韻

千株衰柳密蔽村樹裏人家但聞言殘雪疎籬渾似畫  
却疑迷路入桃源

次小寒日過鎮夷堡韻二首

寒磧茫茫草樹荒朔雲埋日暗沙場如今燕塞無傳箭  
從古齊疆絕採桑高枕三邊開鼓角長城萬里壯關防  
皇恩遍作春風暖休怕征途有雪霜

聖朝聲教際窮荒村落多依古戰場絕塞盡教開細柳  
雄圖終是戒芑桑祗今南海初傳捷從此西關可撤防  
努力茲行須及早莫愁辛苦飽風霜

斗嶺之上曉霜作花馬上口號二首

關樹縈霜幻作花白於飛絮嫩於霞恰似洛陽三月暮  
杏園千樹競繁華

爛熳春光也未闌瓊瑤千斛映孱顏若非珠樹清都境  
定是龍眠畫裏看

次龍臺途中韻

歸日應花發正途只雪飄身隨斷蓬轉夢逐片雲遙古

戍烽連薊雄關地接遼王師新報捷功數漢嫖姚

次將軍廟韻

聖帝于今莫海東精兵鐵騎四隅空彈冠競上平戎策  
校劍爭輸救趙功燕市少年袍映雪幽州壯士氣干虹  
將軍底事空祠裏獨立荒山一塔風

次青石嶺韻

峽裏風雲接地陰石梯凝雪洞門深天開翠壁扶元氣  
鬼鑿層巖費巧心自古關中稱險阻從來塞上說湯金  
方知世路崎嶇處倚馬孤吟到日沉

次連山關記事韻

往者十四五早有男兒志三冬足文史下筆盈萬紙沉  
潛翰墨場俗累都擺棄緬懷作者風頗窮昔人意出入  
古墳典諸家與百氏縱未臻閫奧一一皆默誌相如竟  
類俳子雲空識字脫略少時輩耻作名流二中歲落名  
白汨沒遂至此一官成齷齪抱病還鄉里放歌聊自遣  
田園樂幽致生活冷秀才人生適意耳夙志竟未遂介  
介獨惡是空追學詩訓莫效趨庭鯉風塵偶羈宦更覺  
頽齡邇舊業荒蕪陳篇渾不記跡謝筆硯間魂驚戎  
馬地無根必易涸有似潢潦水試作不平鳴無異俳優  
戲已矣吾衰甚請俟後君子

伏蒙惠詩譏我苦吟仍教以靜坐安心之訣銀鈞  
瓊什俱使人玩玩謹用來韻仰溷台覽三首

見教安心法真知與病宜羈愁不自遣非是愛吟詩  
詩從靜處得靜却與詩宜自有詩中靜寧休靜裏詩  
斗屋厨烟足蒲團午睡宜誰將青李帖還寫謫仙詩

原韻

弼雲

萬里行多病醫治百不宜安心有上藥靜坐廢吟詩

次過遼東韻

控帶山河節鎮雄地蟠西北作要衝參差粉堞重霄外  
縹緲珠樓一望中千里壯遊真附驥百年佳會忝登龍

漢家飛將新亡陣誰向天山早掛弓

次駐蹕山韻四首

朝山拱揖似羣龍老石猶留駐蹕蹤千載比肩惟漢武  
秦皇祇是謾東封

志阨中州駕八龍一年荒塞謾勞蹤當時魏鑑稱遺直  
到此何無諫一封

叱咤雷霆鞭老龍縱云勞費亦豪蹤何知席卷全隋業  
却挫彈丸一小封

凌煙諸將恣從龍千載風雲想舊蹤此地不緣天挽駐  
六師應足遍箕封

次臈日過海州衛韻

樓上當壚女蓮花金步搖丹青蘇小宅佳麗大堤橋地  
擅燕齊勝商通福蓋饒憑誰典美酒一醉判今朝

臈日風亂恟寒不出獨坐口占二首

一年餘日苦無多冰雪全消臈又過莫怕夜風猶作惡  
岸頭楊柳已春華

蕭索佳辰沒一盃光陰無奈鬢邊催長風萬里從南嶺  
空帶梅花消息來

次弼雲途中風雪韻二首

顛風狂雪互誇矜浩蕩乾坤一色疑凍日漏雲生眼纈

寒澌浮頰作衣稜珠筵匝地瓊塵散銀漢翻空玉浪騰  
正好平原看縱獵輕裘快馬踏層冰

萬逕千村盡寂寥一區風色更蕭蕭聲酣瀚海聞猶怕  
氣接陰山望轉遙松似瞿曇埋短髮柳為飛燕舞纖腰  
箇中着我騎驢客寒聳吟肩渡小橋

是日余亦因病坐車相公譏辱不已車適駕以青  
牛因用其韻先自詫以自解

車上行窩深沒頭擁裘堅坐穩如舟紫氣若逢關令問  
為言人有駕青牛

原韻

弼雲

齒牙相戰更搖頭強道乘車穩似舟滿路豈知人在  
內兒童爭訝糞田牛

次天妃祠韻

聞說仙祠面水陽玄靈陰隲鎮茲鄉渚蘋客薦香登俎  
霞液天供翠溢觴湘浦夜深瑤瑟遠溪山月出鳳笙長  
自憐病負尋真會倘許歸途一放狂

次沙嶺記事再疊前韻

歸心日夜憶咸陽幽夢依然返故鄉白石晴莎前面日  
竹爐花嶼舊壺觴關河渺渺音書斷離別茫茫歲月長  
且把新詩酬後債一尊呼起興顛狂

次海月高平野韻 六言

渺渺風沙不盡茫茫雲海無邊何由剗却閭嶽快見西南遠天

原韻

海月

白日疑生樹杪長風欲斲城邊宵中吞幾雲夢目下空一胡天

次韻

弼雲

北極真成盡處南溟定是窮邊恨無萬尺長袖獨舞斜陽遠天

鶴野途中二首

遠山如抹樹如浮納納乾坤盡一眸恍似洞庭秋水滿  
輕舟明月泛中流  
茫茫長野此身孤落日寒驢似畫圖便欲揚鞭窮眼力  
經遊南國遍西湖

敬次弼雲韻

桂花釐冷春醪美盧橘霜枝入袖香縱使文園長抱渴  
一言猶可破膏肓

原韻

弼雲

昨日路上殊甚勞渴水渾不可飲黃書狀偶言  
寒冬尚如此若到明春日暖必頓添一渴其何



以解李譯在後應聲曰勿慮也手劈洞庭橘香  
霧喫人真青大畫盃滿酌秋露白如何書狀揮  
手止之曰李僉知母多談令人失笑余先行聞  
比不覺捧腹恨不與兄大噓一場因記一絕奉

示月沙

通官解道中華勝秋露盈觴小橘香鮑老不禁開一  
笑書生口業本膏肓

次韻

海月

北地真青白玉碗南京美酒鬱金香安得聞來不開  
口平生一渴在膏肓

次守歲前四日過廣寧韻二首

鼓角喧喧車騎紛雄藩控扼四夷聞金城粉堞圍關月  
玉帳牙旗入塞雲嗣子珣弓新握節上公麟閣早開勳  
朝來逐虜陰山外獨領貔貅十萬軍

月壓層城暮柝嚴邊風吹雪颭青帝香車縹緲春雲暖  
蛾黛玲瓏半月纖處處彩花紅映市家家銀勝翠橫簷  
將軍獵罷歸來晚十里粧樓盡捲簾

昨夜夢入銀臺參侍黼座似若有賀禮 命於

御前草制有若赦文然者甚是吉夢覺來 龍顏  
玉音森然在耳目魂骨慄然感而記事二首

夢入銀臺侍紫宸親承天語草絲綸覺來衣袖仙香濕  
猶是遼西一旅人

紫禁煙花擁賀班分明喜色動龍顏一聲刁斗驚孤枕  
星漢迢迢月下山

次韻

弼雲

十二瓊樓禮玉宸芝函一一盡溫綸遽然定識盤山  
我恍惚猶疑紫殿人

重修簪履點朝班卓制才高不強顏孤夢亦憐心戀  
主曉隨蝴蝶度千山

遊西嶽廟并序

自遼陽西至燕南至海皆野而野之大無如鶴  
野北至湖東至於三韓之界皆山而山之鉅閭  
嶽為最山在野之窮處而廟在山之麓問其名  
曰西嶽廟蓋山為中國之北鎮而廟在廣寧鎮  
之西又有東嶽在其東故二其號以別之也始  
度地者得山之正脉以為基臨野之遠勢以為  
庭而凡山之奇野之勝咸鍾於此嘗聞中國有  
五鎮名山此其一也是山也尾蟠荒裔首注大  
野以抵于海而為遼廣主嶽自古帝王莫不祀  
事至我 皇明建都於燕京茲山於國都為最

近遼廣又節度山東二十五衛為關外巨藩地  
大且重而山為其鎮專雄坎維鎮服要荒保佑  
陰隲福我生民水旱定沴凡有禱必應故始自  
永樂年立廟而祀之祝號祭秩盡其尊崇嘗以  
孟冬之月天子署祝冊禮香幣命山東都御史  
攝牲於茲廟吁亦盛矣門額有曰萬世永賴有  
曰護國保民即其義也庭有老松數十株儼立  
若相持枝幹屈盤蒼翠蒼蔚風自四山而下有  
聲鏗然如鳳簫仙瑟迭奏於雲霄明宮神殿金  
碧炫煌鬼像圖畫森然若真崇其臺石為欄壯

其柱銅為飾庭除軒敞可容數千人皆全石以  
為底有豐碑三十餘列植於庭龜趺螭首望之  
毅然若連艦縻艦束立高桅前後殿閣皆斷山  
骨層階累砌不用他石樓之比有石突然而高  
若游龍之舉首者曰會仙亭因石之罅為之級  
以便登陟頂可坐十餘人其石之若几若床若  
枕若案可憑可依可卧可踞者殆不可數試登  
而望之則前臨大野浩無畔岸雲海接天混然  
一色悠悠乎與灝氣游而不知所窮心疑眼迷  
恍不自定但見煙雲之捲舒禽鳥之飛翔熙然

自得似與遊者相樂俯視長衢臺堡星羅城堞  
縈回珠樓粉牆隱映雲間魚鱗雜襲車馬駢轟  
炊煙夕起杳靄浮空左見巨嶽雄螭羣峯峭立  
突怒偃蹇爭為竒壯如風檣陣馬橫鶩而不可  
遏又似賁育角技蓄力賈勇嗔目頡頏相持而  
不發又似杏壇開筵羣弟列侍拱立相向揖讓  
而進退或呀然而為壑萃然而為嶼缺而為崖  
停而為岸噴雲吐霧殊狀變態而莫不爭竒競  
巧獻技於茲亭之下坐久不覺清風動腋白雲  
生袖恍然如御鸞鶴而翱翔乎八極之外予以

見天之高氣之迫原野之曠濶山河之竒壯城  
府之繁華是足以侈吾遊也遂為序繼以詩是  
歲萬曆二十六年也詩曰

巫閭之山何壯哉萬朶芙蓉插晴昊東蟠滄海界華夷  
北注陰沙鎮荒隩專雄坎維配玄冥擺弄陰機排老媪  
靈宮丹碧照山腰玉塔珠燈窮佛寶殿門高開洞庭野  
霞光遠挹蓬萊島我來山下日初斜玉立千峯雲淨掃  
擡頭快見真面目感通不待潛心禱天台四萬八千丈  
對此應須愁欲倒庭邊松老不知年翠蓋成行夾神道  
豐碑欹側字半訛苔蘚荒涼不可考森然自覺魂骨爽

菲薄何由薦蘋藻樓前有亭石為層乍倚危巖滌煩惱  
前臨長野杳無邊海色天光同浩浩水濶蒼梧波影浸  
日暈扶桑曙色早還如開闢混沌初萬象鴻濛始天造  
地靈光嶽鍾豪英天府雄藩拱襟抱鐘鳴鼎食簇樓臺  
碁布星羅壯城堡心隨望眼極天外悅御冷風遊太灝  
飄然窮海一畸人半世風塵頭已皓桃源緬思久送津  
壯遊如今諧夙好仙區幸寤石上夢一丘烟霞願終老  
歸時擬把費公藤萬畝春風採瑤草

次除夕韻

殘鴈愁中盡新春雪裏還今宵又作客何日是歸山古

店樓初定孤燈夢不安屠蘇推後飲無復少年歡

次西嶽廟韻

古廟依巖僻長郊望眼平石欄雕翠鳳珠殿錯金星浦  
月當樓滿山嵐入戶晴蕭然忘去路獨倚會仙亭

次關王廟韻

才賦豪雄命賦奇天時其奈與心違英風萬古孤墳在  
壯志平生一劍知畢竟功名歸豎子當時吳魏視嬰兒  
江淮不盡傾遺憤祠廟猶能驚九夷

次紅螺山韻

自從泥馬渡黃河臙羯腥風久染華千載聖人今有作

一區荒峽欲如何  
昭回日月皆物理  
沒烟霞  
綺羅興廢由來真夢耳  
忍將陳迹問山阿

沙河途中別冬至使鄭時晦還朝

袞袞相逢河上槎  
去來分手各天涯  
容顏共對燈前夢  
時序俱添鏡裏華  
歧路他鄉同是客  
離情此日我偏多  
憑將一掬思君淚  
灑向東風漢水波

貞女祠用西嶽廟韻

秦皇虎視雄飛劍  
決蒼昊  
金城萬里分華夷  
西截河源東海隩  
丁徒板鍤動天下  
鑿山填壑驚神媪  
許家娘子范家婦  
妙歲芳心玉自寶  
一自郎君役遼城  
消息茫茫

隔海島庭前苔沒去  
時迹落葉秋風寒  
不掃關山明月照  
孤帷獨下寒階再  
拜禱蓬飄愁鬢錦字殘  
繡機粧奩半傾倒  
香燈明滅夜如水  
孤夢屢失漁陽道  
寒衣裁罷寄無人  
遠別高堂白髮考  
尋君千里欲有贈  
采采盈筐澗邊藻  
邊城白骨亂如麻  
欲問存亡轉愁惱  
尋君不見眼為枯  
淚落滄波添浩浩  
誤信當時來有期  
更悔今朝尋不早  
貞心惟有化為石  
石上新祠誰創造  
芳姿烈烈帶愁容  
宛似逢人說  
懷抱客來千載挹  
清風倦騎初回關外堡  
高亭翼然瞰扶桑  
海色蒼茫一氣灑  
潮聲咽遺恨寒月  
邊城皓跡遠感事  
竒神清覺境好心  
與石不轉

名與石不老英靈死不死君不見昭君塚上草

立春日聞擒政成喜而口占

已喜今年吉語頻復聞窮海戡脩鱗東郊瑞旭迎蒼帝  
北闕祥雲擁紫宸行看寬詔隨春下從此偏邦與歲新  
何日放歌歸舊隱野琴村酒樂昌辰

次長城韻

辦此當年事亦奇秦人復使後人悲壁遺瀉水應前識  
劍賜扶蘇奈不疑威震五丁驅石日禍成三戶揭竿時  
須知仁壘真天險莫道金湯可制夷

次山海關觀迎春韻

擁路繁花錫鼓催香帷紅錦映千堆爭新遊女晨粧靚  
押隊優羣法部開日色乍臨旗影動春華已趁曙光來  
今朝定有吾鄉信欲向東風問驛梅

次弼雲望海亭韻二首

長城萬里將窮處波上巋然一小亭身在九天雲霧裏  
俯看南斗浸滄溟

聞說秦皇東泛海空留玉舄阜鄉亭千載遺蹤今定是  
石梁何日駕蓬溟

原韻

弼雲

東藩豪爽弼雲老西路孤高望海亭獨立蒼茫元氣

上遙瞻斗極復南溟

次望海亭韻二首

若木之東玄圃西茫茫區宇望中迷身浮雲海危難倚  
思入風濤浩莫題天外商帆通百越鳥邊漁火見青齋  
寒山片石誰堪話蛇蚓縱橫映壁奎

蒼背三山海上來千秋斷石古城隈波翻砥柱飛晴雪  
水落歸墟隱怒雷夸父步窮應未到童男船泛幾時迴  
槎頭萬里東韓客獨立斜陽眼一開

清節祠

西山明月照河陰宇宙長懸一片心萬古清光如昨日

分留客子爽塵襟

次萬柳庄韻

大夫亭子澗之陰萬柳煙中一逕深名闕簪纓傳四葉  
華堂結構費千金苔壇雪鎖尋真夢石洞雲含避世心  
邂逅仙家停客袂夕陽回首重開襟

次永平府韻

天府名區屬太平盧龍山勢拱燕京關防萬里稱奇壯  
勝敗千秋幾戰爭花肆日高紅錦爛酒樓香颭翠旗傾  
地橋風洞多形勝况是仁賢有舊城

上元日寓榛店



經年為客路漫漫佳節參差馬上看病骨逢春惟覺瘦  
羈懷見月轉添酸青郊闢草生新興紫陌傳燈憶舊歡  
流轉殊方亦堪慰暗聞歌吹似長安

途中口占

古店依西岸河橋柳映灣春生天外樹日落馬前山物  
已驚佳節年華入病顏羈愁無處寫詩就不須刪

寓橋頭小店甚明淨適意醉後信筆書懷

暮投豐潤小城東數椽茅齋橋水曲白頭老翁閱人多  
長揖門前能款客圖書映壁繩床平夕陽滿窓虛室白  
蒲團靜對一炷香便覺蕭然生意足使我日日長若此

何用渠渠之厦屋一盃高枕當還鄉人生適意無南北

次韻

弼雲

沿途數十日每因黃書狀聞公苦苦思家今承  
惠詩乃以一盃高枕之興擬當還鄉之樂又以  
昭君南北之怨至解丈夫思歸之意情見于詞  
無已太過

客中何事當還鄉百方無由慰心曲人生適意無異  
術只願莫作離家客強道隨處即為家誤矣當時李  
太白聞君一盃便高枕映壁圖書興已足若教蘇婦  
喚卿卿何異城東館洞屋吁嗟不能縮地來歸夢分

明繞漢北

月沙先生集卷之二

月沙先生集卷之二

